



UNIVERSITÄTS-
BIBLIOTHEK
PADERBORN

Universitätsbibliothek Paderborn

Epistolarvm Innocentii III. Romani Pontificis Libri Vndecim

Innozenz <III., Papst>

Parisiis, 1682

Avxitan. Archiepiscopo.

urn:nbn:de:hbz:466:1-20006

lenter faciunt se intrudi. unde fit ut Ecclesie ipsa, quae ad ordinationem Praelatorum liberè pertinere solebant, laicali servituti subdantur, & irreparabile detrimentum incurrant. Nos igitur, prout officij nostri debitum exigit, volentes ipsarum Ecclesiarum gravaminibus providere, talia de cetero fieri auctoritate apost. inhibemus, fraternitati tuae praesenti pagina indulgentes ut illos qui haec tenus attentarunt talia, vel deinceps attentaverint, possis appellationis sublato diffugio, si Praelati eorum post tuam commonitionem id exequi negligenter omiserint, canonica censura punire, & amovere ab ipsis Ecclesiis, si quos inveneris Ecclesias obtentas taliter obtinere. Datum Laterani xv. Kalend. Aprilis.

AVXITAN. ARCHIEPISCOPO.

Epist. 80.
Ut vagi monachi ad coenobium revocentur.
Cap. Quanto de officio ordinarij.

Quanto devotio religiosorum virorum studiosius mandatis divinis innaret, & creatori suo placere per opera sanctae conversationis intendit, tanto humani generis inimicus ad seductionem eorum suae fraudis malignitate laborat, & variis modis eis praestat materiam excedendi, & animas eorum inextricabili laqueo nititur irretire. Ad audientiam siquidem nostram noveris pervenisse quod monachi, Canonici, & alij regulares in tua provincia constituti, cum deberent potius in claustris juxta regularia constituta divinis obsequiis vigilare, de Obediencijs & redditibus, quorum curam gesserunt, pecunia congregata, claustrum abhorrentes, per curias Principum & potentum discurrere non verentur, & muneribus suis illorum sibi gratiam & favorem acquirunt, ac de eorum familiaritate confisi, in Conventu suo graves dissensiones commovent, & ceterorum humilitatem in spiritu arrogantiae contemnentes, mandatis Praelatorum suorum inobedientes & contumaces existunt, & contra illorum prohibitionem secularium negotiorum sollicitudinibus se immergunt. Quoniam igitur propter hoc ordo religionis non modicum enervatur, fraternitati tuae, per apost. scripta mandamus quatenus quoscunque tales inveneris, nisi ad commonitionem tuam respuerint, ut proprium suum in manibus Praelatorum suorum sine difficultate resignent, convertendum in utilitatem domus secundum Abbatis consilium, & regularem vitam observent, si

In editione Coloniensi legitur, secundum arbitrium.

Praelati eorum post tuam commonitionem id exequi negligenter omiserint, per suspensionem officij & beneficij appellatione remota compellas. Datum Laterani xi v. Kalend. Aprilis.

trij tui consilium. Verum praesertim malimus laicorum Tertio Collectionis.

AVXITAN. ARCHIEPISCOPO.

Inter cetera quae naviculam beati Petri fluctuantem in mari concutunt diversarum turbine procellarum, illud animum nostrum gravius affligit, quod licentius & perniciosius solito contra orthodoxae fidei disciplinam ministri diabolicae praevagationis insurgunt, juxta quod beatiss. Apostolus Paulus doctor gentium exprimit in eulogio epistola sua. Simplicium animas miserabiliter illaqueant, & post se trahunt in damnationis interitum, ac superstitiosis & fictitijs ad inventionibus sacrarum scripturarum intelligentiam pervertentes, Ecclesiae Catholicae unitatem rescindere moluntur. Quoniam autem pestis hujusmodi erroris (sicut ex tua & plurimum assertione cognovimus) in partibus Vasconiae ac circum positis terris fortius invalescit, per tuam & aliorum coepiscoporum tuorum industriam huic morbo tanto efficacius volumus obviari, quanto magis est timendum quod pars sincera trahatur, & tali contagione, quae paulatim, velut cancer, irrepit, mentes fidelium inquinantur corruptelae vitio generalis. Ideoque fraternitati tuae praesenti pagina indulgemus, per apost. scripta firmiter injungentes, quatenus ad extirpandas haereses universas, & eos qui sunt hac faece pollui de provincia tuae finibus excludendos, modis quibus poteris, operam tribuas efficacem, in ipsos, & omnes illos, qui cum eis aliquando commercium aut manifestae suspicionis familiaritatem contraxerint, sublato appellationis obstaculo eccl. distinctionis exercendo rigorem, & etiam (si necesse fuerit) per Principes & populum eosdem facias virtute materialis gladij coerceri. Datum Laterani Kalend. Aprilis.

Epist. 81.
Ut haereticis obstitat, & gladio coercat.

AVXITAN. ARCHIEPISCOPO.

Dignitates & cetera beneficia ecclesiastica pia fidelium devotione constituta fuerunt, certis assignanda personis, ut per ipsas personas in Ecclesiis devotum servitium jugiter impendatur. Verum quidam, qui rectam & piam ordinationem Ecclesiae praevicari mini-

Epist. 82.
Ut habentes plures dignitates, retentis una, reliquas resignare cogantur.

mè pertimescunt, in diversis Ecclesiis plures sibi archidiaconatus vel alias dignitates usurpant. propter quod Ecclesiæ debitis defraudantur obsequiis, & ex hoc in eis non leve scandalum generatur. Eapropter, venerabilis in Christo frater, tibi auctoritate præsentium indulgemus, quatenus illos, quos plures archidiaconatus, dignitates, vel personatus in eadem Ecclesia per totam Auxitan. provinciam habere constiterit, si Prælati eorum post tuam commonitionem id exequi negligenter omiserint, data illis optione quem maluerint retinendi, reliquis post appellationem remota privare, ipsosque, si super hoc contumaces apparuerint, per censuram ecclesiasticam coercere. Datum Laterani Kalend. Aprilis.

Scriptum est autem eidem Archiepiscopo in eundem modum contra eos qui plures abbatias habent.

VNIVERSIS ARCHIEPISCOPIS,
Episcopis, & aliis Ecclesiarum Prælati,
ad quos literæ istæ pervenerint.

NE promotionis nostræ primitias Domino negaremus, cui universa opera nostra consecrare tenemur, statim post electionem nostram tam pauperum quam aliorum apud sedem apostolicam existentium petitionibus intendere cœpimus, & eorum negotia promovere, ne si otio tanto tempore vacaremus, corpus & animus ex otiositate torperent. Verùm quoniam insolitum fuit hætenus ut sub dimidia Bulla ad tot & tam remotas provincias literæ apostolicæ mitterentur, & ex hoc literæ ipsæ diutiùs quam vellemus possent ex alicujus dubitatione suspendi, ut quorum interest parcamus laboribus & expensis, universas literas, quæ ab electionis nostræ die usque ad solennitatem consecrationis sub Bulla dimidia emanarunt, parem cum illis firmitatem obtinere decernimus quæ in Bulla integra diriguntur. Nulli ergo &c. Datum Laterani iij. Nonas Aprilis.

ARCHIEPISCOPO, PRÆPOSITO
S. Andreæ, & Scholastico S. Petri Colonien.

CUM universorum fidelium ab ipso Domino IESU CHRISTO pastoralis nobis sit cura commissa, sollicitudini nostræ dignoscitur expedire, ut sic debeamus quoslibet in suis rationibus confortare, quod aliorum jura in conspectu Ec-

clesiæ dispendium non sustineant, sed firma & illibata debeant permanere. Intelleximus siquidem dilecto filio Gisberto Canonico S. Iohannis in Leodio referente quòd cum ipse & Lambertus Clericus, ducti quadam animi levitate, de permutatione præbendarum suarum inter se tractare cœpissent, quia utilitatem utriusque imminere credebant, * tamen idem L. Clericus occasione dictæ permutationis, præbenda ejusdem G. quam in Ecclesia sanctæ Mariæ Namurcen. habebat, cuidam suo consanguineo assignata, præbendam S. Bartholomæi, quam sæpè dicto G. repromiserat, nequaquam voluit resignare; & sic idem G. (ut asserit) sua spe remansit omnino frustratus. Cùmque super hoc in præsentia venerabilis fratris nostri Leodien. Episcopi fuisset diutiùs litigatum, tandem idem L. sedem apostolicam appellavit, & cum dictus G. ad nostram præsentiam non sine magno periculo & labore accessisset, idem L. nec venit, nec pro se curavit sufficientem mittere responsalem. Cùm igitur deceptis & non decipientibus jura subveniant, fraus etiam & dolus nemini debeant patrocinium impertiri; licet ipsi per se de jure non possent ecclesiastica beneficia permutare, ut tamen simplicitati venia tribuatur, discretioni vestræ per apostolica scripta mandamus quatenus si vobis constiterit prætaxatum G. taliter fuisse deceptum, ab ipsa Namurcen. præbenda, quam diù dicitur possedisse, amoto consanguineo ipsius L. vel quolibet alio illicito detentore, eandem sublato appellationis obstaculo G. faciatis restitui memorato, & eundem ipsius pacifica possessione gaudere. Nullis literis &c. Quòd si omnes, tu frater Archiepiscopo cum eorum altero &c.

MEDIOLANEN. ARCHIEPISC.

Benevolentiam, quam circa Mediolanen. Ecclesiam & civitatem gerimus, in minori quondam officio constituti in opere demonstravimus, & nostræ intentionis affectum ostendimus in effectu. Nuper etiam divino munere ad summum pontificatus officium evocati, inter ipsa nostræ promotionis exordia volentes Ecclesiæ Mediolanen. deferre, negocium ejus, quod ex majori parte fuerat immutatum, in debitum statum reduximus: in quo usque adeo visi fuimus ejusdem Ecclesiæ justitiæ providere, ut

F iij

rerum permutatione.

** In tertia Collect. & apud Gregor. tandè.*

Epist. 83.

Epist. 85. De citatione Passaguerræ causidici ad dicendam causam Romæ.

Epist. 84. Ut fraudulenta privataque beneficiorum permutatione rescindatur. Cap. Cùm universorum. De